

# Hack! (hack)

Codeforces 比賽經過左個零鐘，你留意到同你一間房嘅另一個參賽者用咗 `unordered_set` 去解題。係時候 hack 佢喇！

你知道個 `unordered_set` 係一個 hash table，有  $n$  個 bucket，由 0 去到  $n - 1$  號。但係衰在你唔知個  $n$  係幾多，想搵返佢出嚟。

當你隊個整數  $x$  入個 hash table 嘅時候，佢會去咗  $(x \bmod n)$  嗰個 bucket 度。如果隊入去之前，嗰個 bucket 已經有  $b$  樣嘢嘅話，就會引起  $b$  次 hash collision。

你可以畀  $k$  個唔同嘅整數  $x[0], x[1], \dots, x[k-1]$  落去個 interactor 度，就可以知道係整一個裝住呢啲數嘅 `unordered_set` 嗰陣，總共發生咗幾多次 hash collision。不過呢，一次過畀  $k$  個整數畀個 interactor 做一個 query，就會用咗  $k$  嘅 cost。

例如，如果  $n = 5$ ，隊  $x = [2, 15, 7, 27, 8, 30]$  呢啲數入個 interactor，總共會有 4 次 collision：

動作	新 collision	buckets
一開始	—	<code>[]</code> , <code>[]</code> , <code>[]</code> , <code>[]</code> , <code>[]</code>
隊 $x[0] = 2$	0	<code>[]</code> , <code>[]</code> , <code>[2]</code> , <code>[]</code> , <code>[]</code>
隊 $x[1] = 15$	0	<code>[15]</code> , <code>[]</code> , <code>[2]</code> , <code>[]</code> , <code>[]</code>
隊 $x[2] = 7$	1	<code>[15]</code> , <code>[]</code> , <code>[2, 7]</code> , <code>[]</code> , <code>[]</code>
隊 $x[3] = 27$	2	<code>[15]</code> , <code>[]</code> , <code>[2, 7, 27]</code> , <code>[]</code> , <code>[]</code>
隊 $x[4] = 8$	0	<code>[15]</code> , <code>[]</code> , <code>[2, 7, 27]</code> , <code>[8]</code> , <code>[]</code>
隊 $x[5] = 30$	1	<code>[15, 30]</code> , <code>[]</code> , <code>[2, 7, 27]</code> , <code>[8]</code> , <code>[]</code>

留意番，個 interactor 係順住次序咁隊啲嘢入一個一開始係空嘅 `unordered_set` 度，嚟整嗰個 hash table，而且每一次 query 都會整一個新嘅空 `unordered_set`。換句話講，所有 query 都係獨立嘅。

你要做嘅嘢就係要喺總共用咗最多 1 000 000 cost 嘅情況下，搵返個  $n$  出嚟，即係有幾多個 bucket。

## 點樣 Implement

你要寫以下呢個 procedure：

```
int hack()
```

- 呢個 procedure 要 return 一個整數 – 就係收埋咗嗰個  $n$ 。
- 每一個 test case，個 grader 可能會 call 呢個 function 多過一次。每一次 call 都當做一個全新嘅情況去處理。

喺呢個 procedure 入面，你可以 call 以下呢個 procedure：

```
long long collisions(std::vector<long long> x)
```

- $x$ : 一個裝住唔同數嘅 array，入面每一個  $x[i]$  都係  $1 \leq x[i] \leq 10^{18}$ 。
- 呢個 function 會 return 番將  $x$  入面嘅野隊入一個 `unordered_set` 會產生嘅 collision 數量。
- 呢個 procedure 可以 call 好多次。喺一次 call `hack()` 入面，所有 call 嘅  $x$  嘅長度加埋，唔可以多過 1 000 000。

**注意：**因為個 `hack()` procedure 會 call 多過一次，參賽者要留意番上一個 call 剩低嘅 data 對下一個 call 嘅影響，尤其係 global variable 嘅狀態。

嗰個 1 000 000 嘅 cost 上限係 apply 去每一個 test case。一般嚟講，如果 call `hack()`  $t$  次，你總共可以用最多  $t \times 1\,000\,000$  嘅 cost，而每一次 call `hack()` 用嘅 cost 唔可以多過 1 000 000。

個 interactor 唔係 adaptive 嘅，即係話  $n$  嘅數值係喺開始互動之前已經定死咗。

## 例子

假設，有 2 個 test case。個 grader 會 call：

```
hack()
```

假設，喺個 function 入面，你 call：

Call	Returned value
<code>collisions([2, 15, 7, 27, 8, 30])</code>	4
<code>collisions([1, 2, 3])</code>	0
<code>collisions([10, 20, 30, 40, 50])</code>	10

之後，如果你搵到個  $n$  係 5，咁個 `hack()` procedure 就要 return 5。

跟住個 grader 會再 call 多一次：

```
hack()
```

假設，喺個 function 入面，你 call：

Call	Returned value
<code>collisions([1, 3])</code>	1
<code>collisions([2, 4])</code>	1

唯一一個  $n$  滿足到啲 query 嘅就係 2。所以個 `hack()` procedure 應該要 return 2。

## 限制

- $1 \leq t \leq 10$ ，個  $t$  就係有幾多個 test case。
- $2 \leq n \leq 10^9$
- 每一次 call `collisions()`，入面每一個  $x[i]$  都係  $1 \leq x[i] \leq 10^{18}$ 。

## Subtask

1. (8 分)  $n \leq 500\,000$
2. (17 分)  $n \leq 1\,000\,000$
3. (75 分) 冇額外限制。

最後一個 subtask 有部分分數。假設  $q$  係喺呢個 subtask 入面，所有 test case 嘅所有 `hack()` call 嘅最高總 cost。你喺呢個 subtask 嘅分數係根據以下呢個表去計：

條件	分數
$1\,000\,000 < q$	0
$110\,000 < q \leq 1\,000\,000$	$75 \cdot \log_{50} \left( \frac{10^6}{x-90000} \right)$
$q \leq 110\,000$	75

如果係但一個 test case 入面，call `collisions()` 唔符合「點樣 Implement」嗰度講嘅限制，或者個 `hack()` return 番個數唔啱，咁你喺嗰個 subtask 嘅分數就會係 0。

## Sample Grader

個 sample grader 會讀以下呢個 format 嘅 input：

- 第一行： $t$

跟住會有  $t$  行，每一行都係一個  $n$  嘅數值：

- 第一行： $n$

每一個 test case，假設  $m$  係 `hack()` return 番個數，而  $c$  就係所有 query 嘅總 cost。個 sample grader 會 print 你個答案，format 如下：

- 第一行： $m\ c$